

Малое повечерие

Старший: Молитвами святых отец наших, Господи, Иисусе Христе, Сыне Божий, помилуй нас.¹

Чтец: Аминь.

Христос воскрес из мертвых, / смертию смерть поправ// и сущим во гробех живот даровав. *(Трижды)*

Святой Боже, Святой Крепкий, Святой Бессмертный, помилуй нас. *Трижды.*

Слава Отцу и Сыну и Святому Духу, и ныне и присно и во веки веков, аминь.

Пресвятая Троице, помилуй нас, Господи, очисти грехи наша, Владыко, прости беззакония наша, Святой, посети и исцели немощи наша имене Твоего ради.

Господи, помилуй. *Трижды.*

Слава Отцу, и Сыну, и Святому Духу, и ныне и присно, и во веки веков, аминь.

Отче наш, Иже еси на небесех. Да святится Имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

Старший: Господи, Иисусе Христе, Сыне Божий, помилуй нас.

Чтец: Аминь.

Господи, помилуй, *12 раз.*

Слава Отцу, и Сыну, и Святому Духу, и ныне и присно, и во веки веков, аминь.

Приидите, поклонимся Цареве нашему Богу.

Приидите, поклонимся и припадем Христу, Цареве нашему Богу.

Приидите, поклонимся и припадем Самому Христу, Цареве и Богу нашему.

Псалом 50:

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя. Яко беззаконие мое аз знаю и грех мой предо мною есть выну. Тебе Единому согреших, и лукавая пред Тобою сотворих; яко да оправдишися во словесех Твоих и победиши, внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоя явил ми еси. Окропиши мя иссопом и очищуся, омыеши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзешу, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Псалом 69:

Боже, в помощь мою вонми, Господи, помощи ми потщися. Да постыдятся и посрамятся ищущии душу мою, да возвратятся вспять и постыдятся хотящии ми злая. Да возвратятся абие стыдящеся глаголющии ми: благоже, благоже. Да возрадуются и возвеселятся о Тебе вси ищущии Тебе, Боже, и да глаголют выну, да возвеличится Господь, любящии спасение Твое. Аз же нищ есмь и убог, Боже, помози ми; Помощник мой и Избавитель мой еси Ты, Господи, не закосни.

Псалом 142:

Господи, услыши молитву мою, внуши моление мое во истине Твоей, услыши мя в правде Твоей; И не вниди в суд с рабом Твоим, яко не оправдится пред Тобою всяк живой. Яко погна враг душу мою, смирил есть в землю живот мой, посадил мя есть в темных, яко мертвыя века. И уны во мне дух мой, во мне смятется сердце мое. Помянух дни древния, поучихся во всех делех Твоих, в творениих руку Твоею поучахся. Воздех к Тебе руке мои, душа моя яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах. Скажи мне Господи путь, вонже пойду, яко к Тебе взях душу мою. Изми мя от

враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя, великия ради славы Твоея. Господи, Царю небесный. Боже Отче Вседержителю, Господи Сыне Единородный, Иисусе Христе, и Святыи Душе. Господи Боже, Агнче Божий, Сыне Отець, Воземляй грех мiра, помилуй нас, Воземляй грехи мiра, приими молитву нашу: Сядяи одесную Отца, помилуй нас. Яко Ты еси Един Свят, Ты еси Един Господь, Иисус Христос, в славу Бога Отца, аминь.

На всяку ночь благословлю Тя, и восхваляю имя Твое во веки, и в век века. Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой: яко у Тебе источник живота, во свете Твоем узрим свет. Пробави милость Твою ведушим Тя.

Сподоби, Господи, в ночь сию без греха сохранитися нам. Благословен еси, Господи, Боже отец наших, и хвально, и прославлено имя Твое во веки, аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправданием Твоим.

Господи, милость Твоя во век, дел руку Твоею не презри. Тебе подобает хвала. Тебе подобает пение, Тебе слава подобает, Отцу и Сыну и Святому Духу, ныне и присно и во веки веков, аминь.

Верую во Единого Бога Отца, Вседержителя, Творца небу и земли, видимым же всем и невидимым. И во Единого Господа Иисуса Христа, Сына Божия, Единородного, Иже от Отца Рожденнаго прежде всех век; Света от Света, Бога Истинна от Бога Истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша и погребенна. И воскресшаго в третий день по Писанием, и возшедшаго на небеса и сядяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, Глаголавшаго пророки. Во едину Святую,

Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущего века. Аминь.

КАНОН:

ПЕСНЬ 1:

КАНОН АНТИПАСХИ, ГЛАС 1:

Хор:

Ирмос: Поим вси людие,/ от горькия работы фараони Израиля
изменшему,/ и во глубине морстей ногами немокрыми
наставльшему, // песнь победную: яко прославися. *(Дважды)*

Чтец:

Припев: Слава, Господи, Святому Воскресению Твоему.

Тропарь: Днесь весна душам,/ зане Христос от гроба якоже солнце
возсияв тридневный,/ мрачную бурю отгна греха нашего./
Того воспойм, яко прославися. *(Четырежды)*

Припев: Слава, Господи, Святому Воскресению Твоему.

Тропарь: Царица времен, светносному дню,/ дней же царю
явственнейши даронося,/ красит избранныя люди
церковныя,/ непрестанно поя воскресшаго Христа. *(Четырежды)*

Припев: Слава, Господи, Святому Воскресению Твоему.

Тропарь: Врата смерти, Христэ,/ ниже гробныя печати, ниже ключи
дверей Тебе противишася:/ но воскрес предстал еси другом
Твоим, Владыко,/ мир даруяй, всяк ум преимуш. *(Дважды)*

Слава Отцу и Сыну и Святому Духу.

Тропарь: Врата смерти, Христэ,/ ниже гробныя печати, ниже ключи
дверей Тебе противишася:/ но воскрес предстал еси другом
Твоим, Владыко,/ мир даруяй, всяк ум преимуш.

И ныне и присно и во веки веков, аминь.

Тропарь: Врата смерти, Христэ,/ ниже гробныя печати, ниже ключи
дверей Тебе противишася:/ но воскрес предстал еси другом
Твоим, Владыко,/ мир даруяй, всяк ум преимуш.

КАТАВАСИЯ ПАСХИ:

Хор: Воскресения день,/ просветимся, людие./ Пасха,
Господня Пасха:/ от смерти бо к жизни,/ и от земли к
небеси,/ Христос Бог нас преведе, // победную поющия.

ПЕСНЬ 3:

КАНОН АНТИПАСХИ, ГЛАС 1:

Хор:

Ирмос: Утверди мене Христе,/ на недвижимом камени
заповедей Твоих,/ и просвети мя светом лица Твоего://
несть бо свят паче Тебе, Человеколюбче. *(Дважды)*

Чтец:

Припев: Слава, Господи, Святому Воскресению Твоему.

Тропарь: Новыя вместо ветхих,/ вместо же тленных нетленных,/
Крестом Твоим, Христе, совершив нас,/ во обновлении жизни
житьельствовати достойно повелел еси. *(Четырежды)*

Припев: Слава, Господи, Святому Воскресению Твоему.

Тропарь: Во гробе заключен описанною плотию Твоею,/
неописанный, Христе, воскресл еси:/ дверем же
заключенным,/ предстал еси Твоим учеником Всесильне.
(Четырежды)

Припев: Слава, Господи, Святому Воскресению Твоему.

Тропарь: Язвы Твоя, Христе,/ яже волею претерпел еси за нас,
учеником Твоим сохранив, свидетельство показал еси/ Твоего
славнаго Воскресения. *(Дважды)*

Слава Отцу и Сыну и Святому Духу.

Тропарь: Язвы Твоя, Христе,/ яже волею претерпел еси за нас,
учеником Твоим сохранив, свидетельство показал еси/ Твоего
славнаго Воскресения.

И ныне и присно и во веки веков, аминь.

Тропарь: Язвы Твоя, Христе,/ яже волею претерпел еси за нас,
учеником Твоим сохранив, свидетельство показал еси/ Твоего
славнаго Воскресения.

КАТАВА́СИЯ ПА́СХИ:

Хор: Прииді́те, пи́во пи́ем но́вое,/ не от ка́мене непло́дна
чудоде́емое,/ но нетле́ния исто́чник/ из гроба́ одожди́вша
Христа́, // в Не́мже утвержда́емся.

Хор: Го́споди, поми́луй. *Трижды*

Чтец: Сла́ва Отцу́ и Сы́ну и Свято́му Ду́ху **И** ны́не и прісно и во ве́ки
веко́в, ами́нь.

Хор: Ами́нь

ИПАКО́Й АНТИПА́СХИ, ГЛАС 6:

Яко посреде́ ученико́в Твои́х пришёл еси́, Спа́се, мир да́я
им:// прииди́ и к нам и спаси́ нас.

ПЕСНЬ 4:

КАНО́Н АНТИПА́СХИ, ГЛАС 1:

Хор:

Ирмос: Ве́лия та́йна Твоего́, Христэ́, смотре́ния:/ сию́ бо свѣ́ше
прови́дя богозри́тельно Авваку́м,/ изше́л еси́, вопи́яше
Тебе́, // во спасе́ние люде́й Твои́х, Человеколю́бче. *(Дважды)*

Чтец:

Припев: Сла́ва, Го́споди, Свято́му Воскресе́нию Твоему́.

Тропарь: Же́лчи у́бо вкуси́, дре́внее вкуше́ние исцеля́я,/ ны́не же с
со́том ме́да, просвеще́ние пода́я Христос пра́отцу,/ и Своё
сла́дкое прича́стие. *(Трижды)*

Припев: Сла́ва, Го́споди, Свято́му Воскресе́нию Твоему́.

Тропарь: Ра́дуешися испытáемь:/ те́мже, Человеколю́бче, на сие́
повелева́еши Фоме́,/ простира́я неверую́щу ребра́,/ мірови
уверя́я Твоё, Христэ́, тридне́вное воста́ние. *(Трижды)*

Припев: Сла́ва, Го́споди, Свято́му Воскресе́нию Твоему́.

Тропарь: Богáтство почерп/ от сокрови́ща некра́домаго
Божественнаго, Благоде́телю,/ копи́ем прободённаго Твоего́
ребра́,/ премудрости и ра́зума наполня́ет мир Бли́знец. *(Трижды)*

Припев: Сла́ва, Го́споди, Свято́му Воскресе́нию Твоему́.

Тропарь: Твой всеблаже́нный хва́лится язы́к, о Бли́знце!/ Пе́рвый бо

благочестно проповедует/ Жизнодавца Иисуса, Бога же и Господа,/ от осязания исполнься благодати.

Слава Отцу и Сыну и Святому Духу.

Тропарь: Твой всеблаженный хвалится язык, о Близнче!/ Первый бо благочестно проповедует/ Жизнодавца Иисуса, Бога же и Господа,/ от осязания исполнься благодати.

И ныне и присно и во веки веков, аминь.

Тропарь: Твой всеблаженный хвалится язык, о Близнче!/ Первый бо благочестно проповедует/ Жизнодавца Иисуса, Бога же и Господа,/ от осязания исполнься благодати.

КАТАВА́СИЯ ПАСХИ:

Хор: На Божественней стражи/ богоглаголивый Аввакум/ да станет с нами, и покажет/ светоносна Ангела,/ ясно глаголюща:/ днесь спасение миру,/ яко воскресе Христос, // яко всесильен.

ПЕСНЬ 5:

КАНО́Н АНТИПАСХИ, ГЛАС 1:

Хор:

Ирмос: От нощи утренююще поем Тя Христэ,/ Отцу собезначальна, и Спаса душ наших:// мир миру подаждь Человеколюбче. *(Дважды)*

Чтец:

Припев: Слава, Господи, Святому Воскресению Твоему.

Тропарь: Представ другом скорбящим Спас,/ пришествием всю отъемлет скорбь,/ и играть воздвизает Своим Воскресением. *(Четырежды)*

Припев: Слава, Господи, Святому Воскресению Твоему.

Тропарь: О воистинну похваляемого Фомы страшного начинания/ Дерзостно бо осяза ребра,/ Божественным огнем блистающая. *(Четырежды)*

Припев: Слава, Господи, Святому Воскресению Твоему.

Тропарь: Неверие Фомино, веры родительное нам показал еси:/ Ты бо

вся премудростию Твоею/ промышляеши полезно, Христэ, яко
Человеколюбец. *(Дважды)*

Слава Отцу и Сыну и Святому Духу.

Тропарь: Невэрие Фоминó, véры родительное нам показáл есѣ:/ Ты
бо вся премудростию Твоею/ промышляеши полезно, Христэ,
яко Человеколюбец.

И ныне и присно и во веки веков, аминь.

Тропарь: Невэрие Фоминó, véры родительное нам показáл есѣ:/ Ты
бо вся премудростию Твоею/ промышляеши полезно, Христэ,
яко Человеколюбец.

КАТАВА́СИЯ ПАСХИ:

Хор: У́тренюем у́треннюю глубокú,/ и вмéсто мѣра песнь
принесém Владѣще,/ и Христá узрим/ правды Сóлнце, //
всем жизнь возсияюща.

ПЕСНЬ 6:

КАНО́Н АНТИПАСХИ, ГЛАС 1:

Хор:

Ирмос: Проро́ка спасл есѣ от кѣта, Человеколю́бче,/ и менé из
глубинѣ прегрешéний возведѣ, молю́ся. *(Дважды)*

Чтец:

Припев: Сла́ва, Го́споди, Свято́му Воскресéнию Твоему́.

Тропарь: Фо́мы не оста́вил есѣ, Владѣ́ко,/ погружа́ема глубино́ю
невéрия,/ длáни простéр на испытáние. *(Четырежды)*

Припев: Сла́ва, Го́споди, Свято́му Воскресéнию Твоему́.

Тропарь: Спас наш глаго́лаше:/ осяза́вше Мя вѣдите ко́сти плоть
носяща,/ Аз не переменѣхся. *(Четырежды)*

Припев: Сла́ва, Го́споди, Свято́му Воскресéнию Твоему́.

Тропарь: Ре́бра осяза́, и véровав позна́ Фома́,/ не сый в пéрвом вхо́де
Твоéм, Спа́се наш. *(Дважды)*

Слава Отцу и Сыну и Святому Духу.

Тропарь: Ре́бра осяза́, и véровав позна́ Фома́,/ не сый в пéрвом вхо́де

Твоём, Спасе наш.

И ныне и присно и во веки веков, аминь.

Тропарь: Рёбра осяза, и веровав позна Фомá,/ не сый в первом входе
Твоём, Спасе наш.

КАТАВА́СИЯ ПАС́ХИ:

Хор: Снизшёл еси в преисподняя земли,/ и сокрушил еси
верей вечных,/ содержащая связанныя, Христэ,/ и
триднёвен, яко от кита Иона, // воскресл еси от гроба.

Хор: Господи, помилуй. *Трижды*

Чтец: Слава Отцу и Сыну и Святому Духу **И** ныне и присно и во веки
веков, аминь.

Хор: Аминь

КОНДА́К АНТИПА́СХИ, ГЛАС 8:

Любопытною десницею/ жизнeподательная Твоя рёбра
Фомá испытá, Христэ Бóже,/ созаклучённым бо дверем яко
вшел еси,/ с прочими апóстолы вопияше Тебé:// Господь еси и
Бог мой.

ИКОС:

Кто сохрани ученичу длань тогда неопалиму,/ егда ко
огненным рёбром приступи Господним?/ Кто даде ей дерзость,
и возможе осязати/ пламенную кость, всяко неосязимую?/
Аще бо не бы ребро силу подало брэнней деснице,/ како
можáше осязати,/ страдáньми поколебáвшая яже в́ше, и яже
н́зу?/ Сия благодáть Фомé дадеся, еже сия осязати, //
Христóви же вопíti: Господь еси и Бог мой.

ПЕСНЬ 7:

КАНО́Н АНТИПА́СХИ, ГЛАС 1:

Хор:

Ирмос: **Образу служити мусикийскому согласию созывающу
люди,/ от песней Сионских поюще отчески отроцы
Давидовы,/ мучителево разорisha злочестивое веление,/ и
пламень в росу преложisha, песнь воспевающе://**

превозносимый отец и наш Боже, благословен еси. (Дважды)

Чтец:

Припев: Слава, Господи, Святому Воскресению Твоему.

Тропарь: Яко первый есть дней и господственный светоносный сий,/ воньже радоватися достойно новым и божественным людем с трепетом:/ приносит бо и века образ,/ яко осмица совершая будущаго,/ **превозносимый отец и наш Боже, благословен еси. (Трижды)**

Припев: Слава, Господи, Святому Воскресению Твоему.

Тропарь: Един дерзнувый, неверною же верою/ облагодетельствовавый нас Фомá Близнец,/ решит убо мрачное невѣдение всех концев, верным неверствием,/ себе же венец плетет яве глаголя./ Ты еси Господь **превозносимый, отец и наш Боже, благословен еси. (Трижды)**

Припев: Слава, Господи, Святому Воскресению Твоему.

Тропарь: Не всуе усумневся Фомá о востании Твоем, не низложися:/ несумнѣтельное тщашеся показати сие, Христѣ, всем языком./ Отонудуже неверием уверив, всех научи глаголати:/ Ты еси Господь **превозносимый, отец и наш Боже, благословен еси. (Трижды)**

Припев: Слава, Господи, Святому Воскресению Твоему.

Тропарь: Со страхом руку Фомá в ребра Твоя живоносная, Христѣ, вложив,/ трепетен ощути действо, Спасе, сугубое/ двема естествома в Тебѣ соединяемыма неслиянно,/ и верою взываше, глаголя:/ Ты еси Господь **превозносимый, отец и наш Боже, благословен еси.**

Слава Отцу и Сыну и Святому Духу.

Тропарь: Со страхом руку Фомá в ребра Твоя живоносная, Христѣ, вложив,/ трепетен ощути действо, Спасе, сугубое/ двема естествома в Тебѣ соединяемыма неслиянно,/ и верою взываше, глаголя:/ Ты еси Господь **превозносимый, отец и наш Боже, благословен еси.**

И ны́не и прѣсно и во ве́ки веко́в, ами́нь.

Тропарь: Со стра́хом ру́ку Фома́ в ре́бра Твоя́ живонóсная, Христé, вложѣв,/ трéпетен ощу́ти дéйство, Спа́се, сугубое/ двема́ естество́ма в Тебé соединя́емыма неслиянно,/ и ве́рою взыва́ше, глаго́ля:/ Ты еси́ Господь превозно́симый, отце́в и наш Бо́же, благословéн еси́.

КАТАВА́СИЯ ПА́СХИ:

Хор: **О́**троки от пе́щи избáвивый,/ быв Чело́век,/ стра́ждет я́ко смéртен,/ и стра́стию смéртное,/ в нетлéния облачи́т благоле́пие,/ Еди́н благословéн// отце́в Бог, и препросла́влен.

ПЕСНЬ 8:

КАНО́Н АНТИПА́СХИ, ГЛАС 1:

Хор:

Ирмос: В пла́мени о́гненне горя́щая пе́щи сохрáншаго дéти,/ и во зра́це а́нгела снизше́дшаго к ним,// по́йте Го́спода, и превозно́сите Егó во ве́ки. *(Дважды)*

Чтец:

Припев: **Сла́ва, Го́споди, Свято́му Воскресéнию Твоему́.**

Тропарь: **В**озжелéвый Твое́ радостное видéние,/ прéжде не ве́роваше Фома́:/ сподóблся же тогó, Бо́га и Го́спода Тя нарица́ше, Влады́ко,/ Егóже превозно́сим во вся ве́ки. *(Четырежды)*

Припев: **Сла́ва, Го́споди, Свято́му Воскресéнию Твоему́.**

Тропарь: **П**рeтeрпéвшаго Фомино́ неvéрие, и показáвшаго ре́бра,/ и тогó длáнию осяза́нна бывша,/ по́йте Го́спода, и превозно́сите Егó во вся ве́ки. *(Четырежды)*

Припев: **Сла́ва, Го́споди, Свято́му Воскресéнию Твоему́.**

Тропарь: **Т**вое́ неудобное сокро́вище, утаéное нам отвéрзе Фома́:/ богослóвив бо язýком богонóсным,/ по́йте Го́спода, глаго́лаше,/ и превозно́сите Егó во вся ве́ки. *(Дважды)*

Благослови́м Отца́, и Сы́на, и Свята́го Ду́ха, Го́спода.

Тропарь: **Т**вое́ неудобное сокро́вище, утаéное нам отвéрзе Фома́:/

богослѡвив бо язЫком богонѡсным,/ пойте Гѡспода, глагѡлаше,/ и превозносите Егѡ во вся вѣки.

И ныне и присно и во веки веков, аминь.

Тропарь: Твое неудобное сокровище, утаеное нам отверзе Фомá:/ богослѡвив бо язЫком богонѡсным,/ пойте Гѡспода, глагѡлаше,/ и превозносите Егѡ во вся вѣки.

КАТАВА́СИЯ ПАС́ХИ:

Хор: Хва́лим, благословим, поклоня́емся Гѡсподеви, пою́ще и превозно́яще во вся вѣки.

Сей наречѣнный и святЫй день,/ Едѣн суббѡт Царь и Госпѡдь,/ прáздников прáздник/ и торжествѡ есть торжѣств,// вѡньже благословим Христá во вѣки.

ПЕСНЬ 9:

КАНО́Н АНТИПАС́ХИ, ГЛАС 1:

Хор:

Ирмос: Тебѣ свѣтлую свещу́, и Мáтерь Бѡжию,/ пречу́дную сла́ву, и вЫшшую всех тварей,// пѣсньми велича́ем. *(Дважды)*

Чтец:

Припев: Сла́ва, Гѡсподи, Свято́му Воскресѣнию Твоему́.

Тропарь: Твой свѣтлый день и пресвѣтлый, Христѣ, всесвѣтлую благодáть,/ вѡньже красны́й добро́тою ученико́м Твои́м предстáл еси́,/ в пѣснях велича́ем. *(Четырежды)*

Припев: Сла́ва, Гѡсподи, Свято́му Воскресѣнию Твоему́.

Тропарь: Тебѣ, брѣнною длáнию осяза́ема в рѣбра,/ и не опали́вша сию́, огнѣм невещѣственнаго Божѣственнаго существá,/ в пѣснях велича́ем. *(Четырежды)*

Припев: Сла́ва, Гѡсподи, Свято́му Воскресѣнию Твоему́.

Тропарь: Тя, я́ко Бѡга, из грѡба воскрѣсша Христá,/ не очѣма вѣдевши, но сердѣчною любѡвию вѣровавши,/ пѣсньми велича́ем. *(Дважды)*

Сла́ва Отцу́ и Сы́ну и Свято́му Ду́ху.

Тропарь: Тя, я́ко Бѡга, из грѡба воскрѣсша Христá,/ не очѣма вѣдевши,

но сердéчною любóвию véровавше,/ пёсньми величаём.

И ны́не и прѣсно и во ве́ки веко́в, ами́нь.

Тропарь: Ты, я́ко Бо́га, из грóба воскрэсша Христа́,/ не очѣма ви́девши,
но сердéчною любóвию véровавше,/ пёсньми величаём.

КАТАВА́СИЯ ПА́СХИ:

Хор: Светѣся, светѣся,/ но́вый Иерусали́ме:/ сла́ва бо
Госпо́дня/ на тебѣ возсия́./ Ликуй ны́не/ и весели́ся, Сио́не./
Ты же, Чи́стая, красуйся, Богоро́дице, // о воста́нии
Рождества́ Твоего́.

Хор: Достóйно есть я́ко воистину блажѣти Тя, Богоро́дицу,
Присноблаже́нную и Пренепоро́чную и Ма́терь Бо́га на́шего. Честне́йшую
Херувѣм и сла́внейшую без сравне́ния Серафѣм, без ислéния Бо́га Сло́ва
ро́ждшую, сущую Богоро́дицу, Тя величаём.

Чтец: *Стихиры Триоди, глас 1, самогласны:*

Стихира: Двѣрем за́ключённым,/ ученико́м со́бранным,/ вшел еси́ внеза́пу
всесѣ́льне Иису́се Бо́же наш,/ и став посреде́ их/ мир дав, испо́лнил еси́
Свята́го Ду́ха:/ жда́ти же повеле́л еси́,/ и ника́коже разлуча́тися от
Иерусали́ма,/ до́ндеже облеку́тся е́же с высоты́ сѣ́люю./ Те́мже вопие́м
Ти:// просвещéние и Воскресéние и ми́ре наш, сла́ва Тебе́.

Стихира: По́ днех осми́х воста́ния Твоего́ Го́споди,/ яви́лся еси́
ученико́м Твоѣм/ на ме́сте, иде́же бя́ху со́брани,/ и возгласѣ́в
им: мир вам,/ неvéрующему ученику́́ рѣ́це показа́л еси́,/ и
пречи́стое ребро́./ Он же véровав вопия́ше Тебе́:// Госпо́дь мой
и Бог мой, сла́ва Тебе́.

Стихира: Фо́ма, глаго́лемый Бли́знец, не бе с ни́ми,/ егда́ вшел еси́,
Христé, за́ключённым двѣрем:/ те́мже и не véроваше рече́нным
ему́,/ от неvéрия в véру извествѣ́я./ Не несподо́бил же еси́ Бла́же,/
показа́ти ему́ пречи́стое ребро́ Твое́,/ и руку́ и ногу́ я́звы:/ он же
осязáв и ви́дев,/ испове́да Тебе́ бы́ти Бо́га не на́га,/ и Челове́ка не
прóста, и вопия́ше:// Госпо́дь мой и Бог мой, сла́ва Тебе́.

Стихира: Ученико́м сомня́щимся,/ во осмы́й день предста́ Спас, иде́же

бяху собрани,/ и мир дав, Фомé возопí:/ приидí апóстоле,/ осяжí длáни, в нíхже гвóздя вонзóша./ О дóброе невéрие Фоминó,/ вёрных сердца в познáние приведé,// и со стрáхом возопí: Госпóдь мой и Бог мой, слáва Тебé.

Глас 2, самогласны:

Стихира: По востáнии Твоём Гóсподи,/ собранным ученикóм Твоём, и двéрем заключénным,/ посреде стал есí, мир подаё им./ Вéровав же и Фомá зрением рукú и ребр Твоих,/ Гóспода и Бóга Тя исповéда,// спасающаго уповающия на Тя Человеколóбче.

Стихира: Двéрем заключénным,/ предстáв Иисúс ученикóм,/ безстрашие и мир даёше,/ тáже глаголет Фомé:/ почтó Мне не вéруеши, я́ко воскресóх из мёртвых?/ Принесí сэмо рúку твою,/ и вложí в рéбра Моя́, и виждь./ Тебé бо невéрующу,/ вси навýкóша страсти и Воскресéние Моё звáти с тобóю:// Госпóдь мой и Бог мой, слáва Тебé.

Глас 6:

Слáва Отцú и Сýну и Святому Дúху и ны́не и прíсно и во вéки веко́в. Ами́нь.

Хор: Двéрем заключénным,/ пришёл есí Христé ко ученикóм,/ тогдá Фомá смотрíтельно не обрётеся с нíми./ Глаголаше бо: не имú вéры,/ áще не увíжду и аз Влады́ки./ Увíжду ребро́, отонúдуже изы́де кровь, вода́, крещéние./ Увíжду я́зву, от нея́же исцелé вели́кий струп человекéский./ Увíжду, кáко не бе, я́коже дух, но плоть и кóсти./ Смерть попрáвый, и Фомú увéривый,// Гóсподи слáва Тебé.

Святы́й Боже, Святы́й Крепкий, Святы́й Бессмертный, помилуй нас.

Трижды.

Слава Отцу и Сыну и Святому Духу, и ныне и присно и во веки веков, аминь.

Пресвятая Троице, помилуй нас, Господи, очисти грехи наша, Владыко, прости беззакония наша, Святы́й, посети и исцели немощи наша имене Твоего ради.

Господи, помилуй. *Трижды.*

Слава Отцу, и Сыну, и Святому Духу, и ныне и присно, и во веки веков, аминь.

Отче наш, Иже еси на небесех. Да святится Имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

Старший: Господи, Иисусе Христе, Сыне Божий, помилуй нас.

Чтец: Аминь.

ТРОПАРЬ АНТИПАСХИ, ГЛАС 7:

Запечáтану грóбу,/ Живóт от грóба возсия́л еси́, Христé Бóже,/ и двéрем заключéнным,/ ученикóм предстáл еси́,/ всех Воскресéние,/ дух прáвый тéми обновля́я нам,// по вели́цей Твоéй мýлости.

Слáва Отцý и Сýну и Свято́му Дýху, и ны́не и прýсно и во вéки вéков. Ами́нь.

КОНДАК АНТИПАСХИ, ГЛАС 8:

Любопы́тнюю десни́цею/ жизнóподáтельная Тво́я рéбра Фомá испытá, Христé Бóже,/ созаклучéнным бо двéрем я́ко вшел еси́,/ с прóчими апóстолы вопи́яше Тебé:/ Госпóдь еси́ и Бог мой.

Господи, помилуй, 40.

Иже на всякое время и на всякий час, на небеси и на земли покланяемый и славимый Христе Боже, долготерпеливе, многомилостиве, многоблагоутробне, Иже праведныя любяй, и грешныя милуяй, Иже вся зовый ко спасению обещания ради будущих благ; Сам, Господи, приими и наша в час сей молитвы, и исправи живот наш к заповедем Твоим; души наша освяти, тела очисти, помышления исправи, мысли очисти, и избави нас от всякия скорби, зол и болезней; огради нас святыми Твоими Ангелы, да ополчением их соблюдаемы и наставляемы, достигнем в соединение веры, и в разум непреступныя Твоя славы, яко благословен еси во веки веков, аминь.

Господи помилуй, трижды.

Слава Отцу и Сыну и Святому Духу, и ныне и присно и во веки веков, аминь.

Старший: Молитвами святых отец наших, Господи, Иисусе Христе, Сыне Божий, помилуй нас.ⁱⁱ

Чтец: Аминь.

Нескверная, Неблазная, Нетленная, Пречистая, Чистая Дево, Богоневесто Владычице, Яже Бога Слова человеком преславным Твоим Рождеством соединившая, и отринувшееся естество рода нашего небесным совокупльшая, яже ненадежных едина Надеждо и боримых Помоще, готовое Заступление к Тебе притекающих, и всех христиан Прибежище: не гнушайся мене грешнаго, сквернаго, скверными помыслы, и словесы, и деяньми всего себе непотребна сотворша, и разумом лености сластей жития раба бывша. Но яко человеколюбиваго Бога Мати, человеколюбне умилосердися о мне грешнем и блуднем, и прими мое еже от скверных устен приносимое Тебе моление: и Твоего Сына, и нашего Владыку и Господа, матернее Твое дерзновение употребляющи, моли, да отверзет и мне человеколюбныя утробы Свояя благности, и презрев моя бесчисленная прегрешения, обратит мя к покаянию, и Своих заповедей делателя искусна явит мя. И предстани мне присно, яко Милостивая, и Милосердая, и Благолюбивая, в настоящем убо житии теплая Предстательнице и Помощнице, сопротивных нашествия отгоняющи, и ко спасению наставляющи мя: и во время исхода моего окаянную мою душу соблюдающи, и темныя зраки лукавых бесов далече от нея отгоняющи; в страшный же день суда вечныя мя избавляющи муки и неизреченныя славы Твоего Сына и Бога нашего наследника мя показующи; юже и да улучу, Владычице моя, пресвятая Богородице, Твоим ходатайством и заступлением, благодатию и человеколюбием Единороднаго Сына Твоего, Господа и Бога и Спаса нашего Иисуса Христа; Емуже подобает всякая слава, честь и поклонение, со Безначальным Его Отцем, и Пресвятым и Благим и Животворящим Его Духом, ныне и присно, и во веки веков, аминь.

*Молитва иная, ко Господу нашему Иисусу Христу, Антиоха монаха
Пандекта:*

И даждь нам, Владыко, на сон грядущим, покой тела и души, и сохрани нас от мрачнаго сна греховнаго, и от всякаго темнаго и ношнаго сладострастия. Укроти стремления страстей, угаси разжженныя стрелы лукаваго, яже на ны льстивно движимыя. Плоти нашея востания утоли, и всякое земное и вещественное наше мудрование успи. И даруй нам, Боже, бодр ум, целомудр помысл, сердце трезвящееся, сон легок, и всякаго сатанина мечтания изменен. Возстави же нас во время молитвы утверждены в заповедех Твоих, и память судеб Твоих в себе твердо имуща: всенощное славословие нам даруй, во еже пети и благословити и славити пречестное и великолепое имя Твое, Отца, и Сына, и Святаго Духа, ныне и присно, и во веки веков, аминь.

Преславная Приснодево, Мати Христа Бога, принеси нашу молитву Сыну Твоему и Богу нашему, да спасет тобою души наша.

Молитва иная святого Иоанникая:

Упование мое Отец, прибежище мое Сын, покров мой Дух Святый: Троице Святая, слава Тебе.

Слава Отцу и Сыну и Святому Духу, и ныне и присно и во веки веков, аминь.

Господи помилуй, *трижды*. Господи, благослови.

Господи Иисусе Христе Сыне Божий, молитвами Пречистыя Твоя Матере и всех святых, помилуй и спаси нас, яко Благ и Человеколюбец. Аминь.ⁱⁱⁱ

Таже молитву: **Ослаби, остави, прости Боже, прегрешения наша, вольная, и невольная, яже в слове и в деле, яже в ведении и не в ведении, яже во дни и в нощи, яже во уме и помышлении, вся нам прости, яко Благ и Человеколюбец.**

Ненавидящих и обидящих нас прости, Господи Человеколюбче. Благотворящим благосотвори. Братиям и сродником нашим даруй яже ко спасению прошения и жизнь вечную. В немощех сущия посети и исцеление даруй. Яже в мори управи. Путешествующим спутешествуй. Служащим и милующим нас грехов оставление даруй. Заповедовавших нам недостойным молиться о них помилуй по велицей Твоей милости. Помяни, Господи, братьий наших плененных и избави я от всякого обстояния. Помяни, Господи, плодоносящих и доброделающих во святых Твоих церквах, и даждь им яже ко спасению прошения и жизнь вечную. Помяни, Господи, и нас, смиренных и грешных и недостойных раб Твоих, и просвети наш ум светом разума Твоего, и настави нас на стезю заповедей Твоих, молитвами Пречистыя Владычицы нашея Богородицы и Приснодевы Марии и всех Твоих святых: яко благословен еси во веки веков, аминь.

Хор: **Господи помилуй, *трижды*.**

Старший: **Молитвами святых отец наших, Господи, Иисусе Христе, Сыне Божий, помилуй нас.**

Чтец: **Аминь.**
